



SAKSPAPIR

Saksnr	Utval	Type	Dato
94/2020	Formannskap/plan- og økonomiutvalet	PS	01.12.2020
	Kommunestyret	PS	

Sakshandsamar	Arkiv	ArkivsakID
Ann Kristin Bolstad		20/1711

SAK BARNEHAGE PÅ BERGO

Rådmannen sitt framlegg til vedtak:

Rådmannen legg fram fire alternativ til vedtak:

1. *Modell 1 - Alle barna får tilbod om barnehageplass i Modalen, som no*
2. *Modell 2 – Alle barna får tilbod om barnehageplass på Bergo*
3. *Modell 3 - Barn frå Eksingedalen skulekrins får tilbod om plass på Bergo, og barn frå Eidslandet krins får tilbod om plass i Modalen*
4. *Modell 4 - Barn frå Eksingedalen skulekrins får tilbod om plass på Bergo, og barn frå Eidslandet krins får tilbod om plass på Stamnes*

Fellesforslag frå Sp, SV og Høgre, lagt inn i møteportalen av Kjartan Haugsnes, SV

Kommunestyret går inn for alternativ 3. Me ber om at vedtaket blir gjort kjent for foreldre i Eksingedalen så snart som mogeleg.

Formannskap/plan- og økonomiutvalet - Sak 94/2020

FPØ - Behandling:

På vegne av Sp, SV og Høgre la Kjartan Haugsnes, SV, fram følgjande forslag til vedtak:

Kommunestyret går inn for alternativ 3. Me ber om at vedtaket blir gjort kjent for foreldre i Eksingedalen så snart som mogeleg.

Fellesforslag frå Sp, SV og Høgre vart samrøystes vedteke.

FPØ - Tilråding/Vedtak:

Kommunestyret går inn for alternativ 3. Me ber om at vedtaket blir gjort kjent for foreldre i Eksingedalen så snart som mogeleg.

Alternativ 3:

Modell 3 - Barn frå Eksingedalen skulekrins får tilbod om plass på Bergo, og barn frå Eidslandet krins får tilbod om plass i Modalen

Saksopplysningar:

Heimel

I møte 25.11.20, sak 80/2020 vedtok Formannskap, plan- og økonomiutval følgjande innstilling til kommunestyret:

- Formannskap, plan og økonomiutval vedtok følgjande til møtet i organet 1. desember: Formannskapet ber om å få ei sak til møte 1. desember om barnehagedrift på Bergo frå 1. august 2021

Bakgrunn for saka

Etter innspel til politisk nivå frå innbyggjarar ber formannskapet om ei sak om barnehagedrift på Bergo.

Foreldre som ynskjer barn i barnehage i Eksingedalen og på Eidslandet får inneverande barnehageår tilbod om barnehageplass i Modalen. Modalen har til no ikkje hatt venteliste på barnehageplassar og alle som har søkt har fått plass. Vaksdal kommune yter tilskot for barnehageplassane i Modalen.

Det er ein del usikre faktorar som ein må ta høgd for når det gjeld opning av barnehage på Bergo.

- Det er ikkje ei plikt å gå i barnehage slik som det er på skule. Det vil seie at vi ikkje veit kor mange foreldre som ynskjer at barna skal gå i barnehage før etter søknadsfristen 1. mars 2021.
- Først etter søknadsfristen vil vi vite kor store plassar den enkelte foreldre søker om.
- Det er òg knytt usikkerheit om kor lang opningstida det er trong for.

Det har tidlegare år vore ein kommunal familiebarnehage på Bergo, slik at det er lokale til å driva ein barnehage i same bygning som skule. Det er òg ein del utstyr og leikar som står igjen etter den tidlegare barnehagen. Det er ikkje undersøkt om det må gjerast noko med bygningsmassen i forhold til å ta barnehagedelen på Bergo i bruk igjen.

Barnetal på Eidslandet og i Eksingedalen

Det er pr. 1. desember 2020 7 barn i barnehagealder i Eksingedalen/Eidslandet for barnehageåret 2021/2022. Barnehage er ikkje delt i krinsar slik som skule, men det er likevel interessant å sjå på kva skulekrins barna soknar til då Eksingedalen og Eidslandet er eit langstrakt geografisk område.

Av barna soknar 2 til Eidslandet skulekrins, medan 5 soknar til Eksingedalen skulekrins. 3 av barna som soknar til Eksingedalen krins er under 3 år og vil difor telje to barnehageplassar, medan 2 av barna er over 3 år og tel ein barnehageplass kvar. For barna i Eidslandet skulekrins er eitt barn under 3 år, medan 1 barn er over 3 år.

Samla vil dette seie at det kan vera behov for totalt 11 plassar samla i begge krinsane, der 8 plassar høyrer til Eksingedalen skulekrins, medan 3 høyrer til Eidslandet skulekrins.

Kostnader

Vaksdal kommune yter i dag tilskot til Modalen kommune for barnehage med samla årlege kostnader på om lag kr. 1,2 mill.

Ved etablering av barnehage på Bergo vil det vera kostnader knytt til bemanning, straum og anna teknisk drift. Barnehage har bemannings- og pedagognorm som dannar grunnlaget for tal tilsette basert på tal plassar. Ulikt barnetal vil ha innverknad på kostnadane.

Vurdering

Alle vurderingane må sjåast i lys av at det er små barnetal det gjeld. Det er totalt 7 barn kor av 3 er fødd i 2020. Det er ein tendens i Vaksdal at barna ikkje startar i barnehage fyrste året – gjennom snittleg 60 % startar i barnehage.

Små grupper er generelt tilrådd for barnehagebarn, men utgangspunktet er då å dele inn etter interesser eller alder. Den vesle gruppa på Bergo vil i desse tilfella vere gitt. Aldersblanding gir på den andre sida mange mogelegheiter.

Bemanning er ei anna utfordring i samband med god kvalitet. Det har vore utfordrande å rekruttera til stillingar i indre strøk av kommune, særleg viss det er små stillingsprosenter. Vi har i tillegg utfordringar med å rekruttera barnehagelærarar til kommunen. Ein må sjå på eit system for samarbeid med dei andre barnehagane i kommunen og syte for at personalet tek del i kompetanseutviklingstiltak.

Vidare er det sett opp fire modellar for tilbod om barnehageplass for barn i Eksingedalen og på Eidslandet:

Modell 1 - Alle får tilbod om barnehageplass i Modalen, som no:

Vaksdal kommune yter i dag tilskot for barnehageplassar til Modalen kommune. Årleg kostnad har dei siste og inneverande år vore på om lag kr. 1,2 mill. Dette er eit vel etablert tilbod som har fungert godt.

Modell 2 - Alle får tilbod om barnehageplass på Bergo:

Om ein tek utgangspunkt i at alle barna i Eksingedalen og på Eidslandet skal gå i barnehage på Bergo vil det krevje ei bemanning til 11 plassar. Det vil seie 1,8 stilling etter bemanningsnorma. Ei heil av desse stillingane må vera barnehagelærar etter pedagognorma. Opningstida vil vera styrande om ein vil ha behov for meir enn bemanningsnorma, då lengre dagar vil krevja fleire tilsette som deler på dagen. Årlege kostnader til bemanning til 11 plassar med 1,8 stilling vil vera om lag kr. 1,3 mill.

Modell 3 - Barn frå Eksingedalen skulekrins får tilbod om plass på Bergo, og barn frå Eidslandet krins får tilbod om plass i Modalen:

Ved å dela barna etter skulekrins vil det vera behov for bemanning til 8 plassar på Bergo. Bemanningsnorma tilseier då 1,3 stilling. Ei heil av desse stillingane må vera barnehagelærar etter pedagognorma. Opningstida vil vera styrande om ein vil ha behov for meir enn bemanningsnorma, då lengre dagar vil krevja fleire tilsette som deler på dagen. Årlege kostnader til bemanning til 8

plassar med 1,3 stilling vil vera om lag kr. 0,9 mill.

Barnehage på Bergo har lokale og erfaring med barnehagedrift/oppvekstsenter. Drifta av barnehage må koblast på pedagogisk utviklingsarbeid for barnehage, men òg utvikle samarbeid med skulen som eit oppveksttun. Det kan verta ei utfordring med bemanning på Bergo, og det er som ved alle små avdelingar, sårbart ved fråvær av tilsette.

Årlege kostnader for tilskot til barnehageplassar i Modalen for barna i Eidslandet skulekrins vil vera om lag kr. 0,35 mill. Dette er eit vel etablert tilbod som har fungert godt.

Samla kostnad for modell 3 er kr. 1,25 mill.

Modell 4 - Barn frå Eksingedalen skulekrins får tilbod om plass på Bergo, og barn frå Eidslandet krins får tilbod om plass på Stamnes:

Årlege kostnader, kr. 0,9 mill., og drift på Bergo vil vera det same som i modell 3.

Stamnes oppveksttun vil i barnehageåret 2021/2022 har plass til barna frå Eidslandet skulekrins utan å auka bemanninga. Barnehagedelen av oppveksttunet på Stamnes er eit godt barnehagetilbod i nye lokale.